

શ્રી નંદીશ્વરદ્વીપ-જિનપૂજા

(અડિલ છંદ)

અષ્ટમ દીપ નંદીશ્વર બહુ વિસ્તાર હૈ,
તાકે ચવ દિશ બાવન ગિર મનિ ધાર હૈ;
તિન સબપૈ જિનથાન કહે બાવન સહી,
સો ઈહાં થાપન થાપ જજોં પુન્ય કી મહી.

ૐ હ્રીં કાર્તિકમાસે શુકલપક્ષે અષ્ટાદિકાયાં મહામહોત્સવે નંદીશ્વરદ્વીપે
ચતુર્દિક્ષુ દ્વિપંચાશતજિનાલયાનિ ! અત્ર અવતર અવતર સંવૌષટ્
(આહવાનનં)

ૐ હ્રીં કાર્તિકમાસે શુકલપક્ષે...અત્ર તિષ્ઠ તિષ્ઠ ઠઃ ઠઃ (સ્થાપનં)
ૐ હ્રીં કાર્તિકમાસે શુકલપક્ષે...અત્ર મમ સન્નિહિતો ભવ ભવ વષટ્.

(હરિગીત)

શુભ નીર નિરમલ ત્રસ સુજિય બિન ગંગ ધારાકૌ સહી,
ઘર પાત્ર સુંદર હાથ અપને વચન કરિ મુખ થુતિ કહી;
તહાં ઈન્દ્ર સુર હી જાય પૂજૈં મનુષ કો મૌસર કહાં,
ઈમ જાન નંદીશ્વર તને જિનથાન જલ જજહોં ઈહાં.

ૐ હ્રીં નંદીશ્વરદ્વીપે દ્વિપંચાશતજિનાલયેભ્યો જન્મજરામૃત્યુવિનાશનાય
જલં નિઠ

લૈ બાવનોં ગંધ ખાનિ ચંદન નીરતૈં ઘસિ લાઈયૌ,
કર કનક પાતર ધાર લીનો મહા ઉર હરખાઈયૌ. તહાંઠ

ૐ હ્રીં નંદીશ્વરદ્વીપે દ્વિપંચાશતજિનાલયેભ્યો સંસારતાપવિનાશનાય
ચંદનં નિઠ

બિન ખંડ અક્ષત ઘવલ ઉજ્જવલ બીન નવ શુભ લાય જી;
કર સુભગ જલ ધોય નીકે બીનતી મુખ ગાય જી. તહાંઠ

ૐ હ્રીં નંદીશ્વરદ્વીપે દ્વિપંચાશતજિનાલયેભ્યો અક્ષયપદપ્રાપ્તયે અક્ષતાનૌ

સુખદાય પહુપ સુગંધ રાશી વરન નાના જાનિયે,
બહુ ઘાટિ ધારી લાય કરત માલ કર હિત માનિયે.
તહાં ઈન્દ્ર સુર હી જાય પૂજે મનુષ્ય કો મૌસર કહાં,
ઈમ જાન નંદીશ્વર તને જિનથાન પુષ્પ જજહોં ઈહાં.

ૐ હ્રીં નંદીશ્વરદ્વીપે દ્વિપંચાશત્જિનાલયેભ્યો કામબાણવિધ્વંસનાય પુષ્પં
નૈવેદ્ય ચટરસ તુરત લાકૈ સુભગ મોદક હમ લયે;
ધર થાલ કંચન ધાર કરમે ભાવકો નિરમલ ઠયે. તહાં૦

ૐ હ્રીં નંદીશ્વરદ્વીપે દ્વિપંચાશત્જિનાલયેભ્યો ક્ષુધારોગવિનાશનાય નૈવેદ્યં
મણિ દીપિકા તમ નાશ કરતા જોતકે ધારક સહી;
લૈ આરતી ગુન ગાય જિનકે ભાવના ઈમ ઉર લહી. તહાં૦

ૐ હ્રીં નંદીશ્વરદ્વીપે દ્વિપંચાશત્જિનાલયેભ્યો મોહાંધકારવિનાશનાય દીપં
કર ધૂપ દશ વિધ ગંધ લેકૈ મહા પરિમલદાય જ;
લૈ આપને કર માહિં થુતિ કર અગનિમે ધરવાય જ. તહાં૦

ૐ હ્રીં નંદીશ્વરદ્વીપે દ્વિપંચાશત્જિનાલયેભ્યો દુષ્ટાષ્ટકર્મેન્ધનદહનાય ધૂપં
શ્રીફલ બદામ અનાર ખારક ઔર પુંગીફલ ભલે;
ઈન આદિ નિરમલ લાય ફલ હોં દેવ જિન પૂજન ચલે. તહાં૦

ૐ હ્રીં નંદીશ્વરદ્વીપે દ્વિપંચાશત્જિનાલયેભ્યો મોક્ષફલપ્રાપ્તયે ફલં નિ
લૈ નીર ચંદન તંદુલા પુષ્પ ઔર ચરુ દીપક કહે;
ધર ધૂપ ફલ કર અર્ધ કર લૈ ભાવના ભાવત ભએ. તહાં૦

ૐ હ્રીં નંદીશ્વરદ્વીપે દ્વિપંચાશત્જિનાલયેભ્યો અનર્ઘ્યપદપ્રાપ્તયે અર્ધં

જયમાલા

(સોરઠા)

નંદીશ્વર શુભ થાન, અષ્ટમ તાકી ચૌદિસા;
ભાવન જિન થલ માન સો પૂજોં કર આરતી.

(વેસરી છંદ)

યાહી અષ્ટમ દીપ મઝારા, જિન પૂજન આવૈ સુર સારા;
 ઈમ ઉતકૃષ્ટી પ્રતિમા જાનોં, ધનુષ પાંચસૌ ત્વંગ બખાની. ૧
 રૂપ મહા કૌલોં કવિ ગાવૈ, જિન તનસે સબ લચ્છન પાવૈ;
 મુદ્રા શાંતિ દ્રાણ દિક દેખૈ, પદમાસન કાયોત્સર્ગ પેખૈ. ૨
 પૂરવ દિશા વા ઉત્તર ભાઈ, શ્રીજિનબિંબ તને મુખ પાઈ;
 સો સબ બિંબ રતનમય હોઈ, દીખૈ ઈમ પરતક્ષ જિન જોઈ. ૩
 બહુ વિસ્તાર ઘરેં જિનગેહા, તાકે લખત હોય બહુ નેહા;
 કટક બાગ વન શોભા ધારી, લગે શિખર નભ મિલન પધારી. ૪
 ધુજા કલપવૃક્ષ તોરણ ધારે, રતન તૂપ મંગલ દ્રવ્ય સારે;
 પ્રાતિહાર્ય વસુ શોભ અપારા, મણિમંડલ નભ માંહિ સિધારા. ૫
 નાટ સાલ તહાં ભક્ત કરાવૈ, દેવ તહાં નટિ સુર ધર ગાવૈ;
 સુર મંદિર પંકતિ સુખકારા, તહાં અમર ધર્મકી ઉતસારા. ૬
 મહિમા તિનકી કબલોં ગાવૈ, જિન જાનેં કે જિન ધુનિ પાવૈ;
 વા સુર ઈન્દ્ર જાય સો જાનેં, બાકી તો સામાન્ય બખાનેં. ૭
 જે જિનમંદિર સુમરત ભાઈ, પાપ કટેં પુન્યબંધ કરાઈ;
 તૌ દરશન કી મહિમા સારી, કહૈ કૌન ફલકી વિધિ ભારી. ૮

(દોહા)

તાતૈં નંદીશ્વર વિષેં જે હૈં જિનકે થાન,
 સો ભવ સુમરોં થુતિ કરોં પૂજોં શુભ ફલ ધામ.
 ૐ હ્રીં શ્રીનંદીશ્વરદ્વીપે દ્વિપંચાશત્ જિનાલયેભ્યો મહા અર્ધ.



શ્રી નંદીશ્વરદ્વીપ-જિનપૂજા

(અડિલ છંદ)

સરવ પરવમે બડૌ અઠાઈ પરવ હૈ,
 નંદીશ્વર સુર જાહિં લિયે વસુ દરવ હૈ;
 હમેં શકિત સો નાહિં ઈહાં કરિ થાપના,
 પૂજૌં જિનગૃહ પ્રતિમા હૈ હિત આપના.

ૐ હ્રીં શ્રીનંદીશ્વરદ્વીપે દ્વિપંચાશજિજિનાલયસ્થ જિનપ્રતિમાસમૂહ ! અત્ર
 અવતર અવતર સંવૌષટ્—અત્ર તિષ્ઠ તિષ્ઠ ઈઃ ઈઃ સ્થાપનં—અત્ર મમ સન્નિહિતો
 ભવ ભવ વષટ્ સન્નિધિકરણં.

કંચન મણિમય ભૃંગાર તીરથ નીર ભરા,
 તિહું ધાર દઈ નિરવાર જામન મરન જરા;
 નંદીશ્વર શ્રીજિનધામ બાવન પુંજ કરોં,
 વસુ દિન પ્રતિમા અભિરામ આનંદભાવ ધરોં.

ૐ હ્રીં શ્રીનંદીશ્વરદ્વીપે પૂર્વપશ્ચિમોત્તરદક્ષિણે દ્વિપંચાશજિજિનાલયસ્થ
 જિનપ્રતિમાભ્યઃ જન્મજરામૃત્યુવિનાશનાય જલં

ભવતપહર શીતલ વાસ, સો ચંદન નાહીં;
 પ્રભુ યહ ગુન કીજૈ સાંચ, આયો તુમ ઠાંહીં. નંદી૦
 (ચંદનં)

ઉત્તમ અક્ષત જિનરાજ, પુંજ ધરે સોહૈ;
 સબ જીતે અક્ષસમાજ, તુમ સમ અરુ કો હૈ. નંદી૦
 (અક્ષતાન્)

તુમ કામવિનાશક દેવ, ધ્યાઈ ફૂલનસૌં;
 લહું શીલલચ્છમી એવ, છૂટું સૂલનસૌં. નંદી૦
 (પુષ્પં)

નેવજ ઇન્દ્રિય બલકાર, સો તુમને ચૂરા;
ચરુ તુમ ઢિંગ સોહૈ સાર, અચરજ હૈ પૂરા.
નંદીશ્વર શ્રીજિનધામ બાવન પુંજ કરો,
વસુ દિન પ્રતિમા અભિરામ આનંદભાવ ધરો.
(નૈવેદ્ય)

દીપકકી જ્યોતિ પ્રકાશ, તુમ તનમાંહિ લસૈ;
ટૂટૈ કરમનકી રાશ, જ્ઞાનકણી દરસૈ. નંદી૦
(દીપ)

કૃષ્ણાગરુ ધૂપ સુવાસ, દશ દિશિ-નારિ વરૈ;
અતિ હરષભાવ પરકાશ, માનો નૃત્ય કરૈ. નંદી૦
(ધૂપ)

બહુવિધ ફલ લે તિહું કાલ, આનંદ રાયત હૈ;
તુમ શિવફલ દેહુ દયાલ, સો હમ જાયત હૈ. નંદી૦
(ફલ)

યહ અર્ધ કિયો નિજ હેત, તુમકો અરપત હો;
'ધાનત' કીનો શિવખેત, ભૂમિ સમરપત હો. નંદી૦
(અર્ધ)

જયમાલા

(દોહા)

કાર્તિક ફાગુન સાઢકે,^૧ અંત આઠ દિન માહિ;
નંદીશ્વર સુર જાત હૈ, હમ પૂજૈં ઇહ ઠાહિ. ૧

૧ કાર્તિક ફાગુન તથા અષાઢ માસના સુદ આઠમથી પૂર્ણિમા સુધીના આઠ દિવસોને નંદીશ્વર-અષ્ટાલિકા કહેવાય છે.

એકસૌ ત્રેસઠ કોડિ જોજન મહા,
 લાખ ચૌરાસિયા એક દિશમે લહા;
 આઠમો દ્વીપ નંદીશ્વર ભાસ્વરં,
 ભૌન બાવન પ્રતિમા નમો સુખકરં. ભૌન૦ ૨
 ચારદિશિ ચાર અંજનગિરી રાજહી,
 સહસ ચૌરાસિયા એકદિશ છાજહી;
 ઢોલસમ ગોલ ઉપર તલે સુંદરં. ભૌન૦ ૩
 એક ઇક ચાર દિશિ ચાર શુભ બાવરી,
 એક ઇક લાખ જોજન અમલ જલભરી,
 ચહું દિશા ચાર વન લાખ જોજન વરં. ભૌન૦ ૪
 સોલ વાપીનમધિ સોલ ગિરિ દધિમુખં,
 સહસ દશ મહા જોજન લખત હી સુખં;
 બાવરી કૌન દોમાહિ દો રતિકરં. ભૌન૦ ૫
 શૈલ બત્તીસ ઇક સહસ જોજન કહે,
 ચાર સોલૈ મિલે સર્વ બાવન લહે;
 એક ઇક સીસપર એક જિનમંદિરં. ભૌન૦ ૬
 બિંબ અઠ એકસૌ રતનમય સોહહી;
 દેવ દેવી સરવ નયન મન મોહહી;
 પાંચસૈ ધનુષ તન પદ્મ આસન પરં. ભૌન૦ ૭
 લાલ નખ મુખ નયન શ્યામ અરુ સ્વેત હૈં,
 શ્યામ રંગ ભોંહ સિર કેશ છબિ દેત હૈં;
 વચન બોલત મનો હસત કાલુષ હરં. ભૌન૦ ૮
 કોટિ શશિ ભાનુ દુતિ તેજ છિપ જાત હૈ,
 મહા વૈરાગ પરિણામ ઠહરાત હૈ;
 બયન નહિ કહૈ લખિ હોત સમ્યક્ધરં. ભૌન૦ ૯

(સોરઠા)

નંદીશ્વર જિનધામ, પ્રતિમા મહિમા કો કહે;
'ધાનત' લીનોં નામ, યહી ભગતિ શિવસુખ કરે. ૧૦

ૐ હ્રીં શ્રીનંદીશ્વરદીપે પૂર્વપશ્ચિમોત્તરદક્ષિણે દ્વિપંચાશત્ જિનાલયસ્થ
જિનપ્રતિમાભ્યો પૂર્ણાર્ધ નિ૦

